

Тропарь глас 5:

Собезначальное Слово Отцу и Духови,/ от Девы рождающееся на спасение наше,/ воспойм, вернии, и поклонимся,/ яко благоволи плотию взыти на крест,/ и смерть претерпети,/ и воскресити умершия// славным воскресением Своим.

Тропарь глас 4:

Правило веры и образ кротости,/ воздержания учителя/ яви ты стаду твоему/ Яже вещей Истина./ Сего ради стяжал еси смирением высокая,/ нищетою богатая,/ отче священноначальниче Николае,/ моли Христа Бога, // спасися душам нашим.

Тропарь глас 1:

Христу, нас ради от Девы рождаемому,/ честная Магдалино Марие, последовала еси,/ Того оправдания и законы хранящи./ Темже днесь все святую твою память празднующе,/ грехов разрешение// молитвами твоими приедем.

Тропарь глас 4:

И нравом причастник,/ и престолом наместник апостолом быв,/ деяния обрел еси, Богодохновенне,/ в видения восход,/ сего ради, слово истины исправляя,/ и веры ради пострадал еси даже до крове,/ священномучениче Фоко,/ моли Христа Бога // спасися душам нашим.

Кондак, глас 5:

Ко аду, Спасе мой, сошел еси,/ и врата сокрушивый яко Всесилен,/ умерших яко Создатель совоскресил еси,/ и смерти жало сокрушил еси,/ и Адам от клятвы избавлен бысть,/ Человеколюбче, темже вси зовем:// спаси нас, Господи.

Кондак, глас 3:

В Мирех, святе, священнодействитель показался еси,/ Христово бо, преподобне, Евангелие исполнив,/ положил еси душу твою о людех твоих/ и спасл еси неповинныя от смерти./ Сего ради освятился еси, // яко великий таинник Божия благодати.

Кондак, глас 3:

Предстоящи, преславная, у Креста Спасова со иными многими,/ и Матери Господни состраждущи, и слезы точащи,/ сие в похвалу приношаше глаголющи:/ что сие есть странное чудо?/ Содержай всю тварь, пострадати изволи. // Слава державе Твоей.

Слава

Кондак, глас 6:

Яко святитель принося, отче, жертвы,/ на конец себе принесл еси жертву живу,/ свидетельствовав законно о Христе Боже,/ от Ангел укрепляемый,/ и смерть изволяя,/ сый с вопиющими тебе:// прииди, Фоко, с нами, и никтоже на ны.

и ныне

Кондак, глас 6:

Предстательство христиан непостыдное, / ходатайство ко Творцу непреложное, / не презри грешных молений гласы, / но предвари, яко Благая, на помощь нас, верно зовущих Ти: / ускори на молитву и потщися на умоление, / предстательствующи присно, Богородице, чтущих Тя.

Прокимен, глас 5: Ты, Господи, сохраниши ны / и соблюдеши ны от рода сего и во век.

Ин Прокимен, глас 4: Дивен Бог во святых Своих, / Бог Израилев.

Причастен: Хвалите Господа с небес, хвалите Его в вышних. Аллилуиа, аллилуиа, аллилуиа.

Ин Причастен: Радуйтесь праведнии о Господе, правым подобает похвала. Аллилуиа, аллилуиа, аллилуиа.
